



Helicopter cu aparato special buscando Natalee

ORANJESTAD (AAN): Posiblemente un equipo special di FLIR (Forward Looking Infrared), a worde usa abordo di un helicopter di Guardacosta di Aruba y Antiyas, den e buskeda pa Natalee Holloway.

Diaranzon atardi, e helicopter a lanta vuelo y a bay bula riba e cas di Joran van der Sloot na Montaña.

Aki e helicopter a keda 'hover' den halto,

posiblemente pa por busca den tur skina cu e camera special di FLIR, cu por detecta variacion den nivel di calor den tera of den cualkier lugar.

Despues di a keda basta rato riba area di Montaña, e helicopter a move pa otro lugar, e.o. Santa Martha.

Aki por mira pues cu Guardacosta di Aruba y Antiyas a bira mas activo envolvi den e caso aki tambe.